


BOSNA I HERCEGOVINA

Brčko distrikt BiH

SKUPŠTINA

BRČKO DISTRINKTA BiH

Mladena Maglova 2, 76100 Brčko distrikt BiH, telefon i faks: 049/215-516



BOSNA I HERCEGOVINA

Brčko distrikt BiH

SKUPŠTINA

BRČKO DISTRINKTA BiH

Mladena Maglova 2, 76100 Brčko distrikt BiH, tel. i faks: 049/215-516

Na osnovu člana 22 Statuta Brčko distrikta BiH - prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 54/18), a nakon razmatranja Godišnjeg izvještaja o radu JP „Radio Brčko“ d.o.o. Brčko distrikt BiH za 2018. godinu broj: 01-125/19 od 4. 4. 2019. godine, Skupština Brčko distrikta BiH, na 47. redovnoj sjednici održanoj 24. aprila 2019. godine, donosi

**ODLUKU  
O USVAJANJU GODIŠNJEVIZVEŠTAJA O RADU JP „RADIO BRČKO“ D.O.O. BRČKO  
DISTRINKT BiH ZA 2018. GODINU**

**Član 1**

Usvaja se Godišnji izvještaj o radu JP „Radio Brčko“ d.o.o. Brčko distrikt BiH za 2018. godinu.

**Član 2**

Godišnji izvještaj o radu JP „Radio Brčko“ d.o.o. Brčko distrikt BiH za 2018. godinu broj: 01-125/19 od 4. 4. 2019. godine čini sastavni dio ove odluke.

**Član 3**

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-611/19  
Brčko, 24. 4. 2019. godine

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) JP „Radio Brčko“
- 5) Sektoru za opće poslove i strateško planiranje
- 6) Arhivi



PREDSJEDNIK  
SKUPŠTINE BRČKO DISTRINKTA BiH

Esed Kadrić



ЈП „Радио Брчко“ д.о.о.  
Брчко дистрикт БиХ

JP „Radio Brčko“ d.o.o.  
Brčko distrikt BiH

**JAVNO PREDUZEĆE „RADIO BRČKO“ D.O.O.  
BRČKO DISTRIKT BiH**

**IZVJEŠTAJ O POSLOVANJU ZA 2018. GODINU**

**BRČKO DISTRIKT BiH  
Mart, 2019. godine**

## U v o d

Javno preduzeće „Radio Brčko“ d.o.o. Brčko distrikt BiH“ je, zahvaljujući prvenstveno dodijeljenom grantu u iznosu od **485.000 KM** iz Budžeta Brčko distrikta u 2018. godini, ostvarilo prihod od **628.298 KM**, te uspjelo izmiriti sve obaveze iz poslovanja u 2018. godini čime je omogućeno redovno poslovanje preduzeća. Uspjeli smo veći dio nedostataka iz Revizorskog izvještaja za 2017. godinu da otklonimo. Također smo imali aktivnosti na otklanjanju manjeg broja nedostataka po Prerevizorskem izvještaju za 2018. godinu. Redovno su isplaćivane plate i doprinosi zaposlenim radnicima. Konkursnom procedurom imenovani su odgovorni urednici informativno –političkog i kulturno - zabavnog programa, koji su ujedno i zamjenici direktora po Zakonu o javnim preduzećima. Uz saglasnost osnivača – Skupštine Brčko distrikta BiH od 14. novembra 2018. godine, usvojen je i novi Statut preduzeća, a potom i pravilnici koji su nedostajali, a bili su navedni u Revizorskem izvještaju za 2017. godinu. Među njima su Pravilnik o računovodstvu i računovodstvenim politikama i Pravilnik o popisu osnovnih sredstava potraživanja i obaveza. Pravilnike su donijeli i usaglasili članovi Upravnog odbora JP „Radio Brčko“. Također, po Revizorskem izvještaju za 2017. godinu, sprovedene su slijedeće javne nabavke:

- nabavka usluga osiguranja imovine i lica
- nabavka ugostiteljskih usluga za piće
- nabavka ugostiteljskih usluga za hranu
- nabavka za higijenski materijal
- nabavka za usluge fiksne telefonije i interneta
- nabavka pravnih usluga

Izmirene su obaveze po sudskom rješenju iz 2017. i 2018. godine.

U cilju što realnijeg iskazivanja finansijskog položaja JP "Radio Brčko" d.o.o. Brčko distrikt BiH, uz saglasnost Upravnog odbora, izvršen je:

- otpis dijela nenaplaćenih potraživanja od kupaca u ukupnom iznosu od 22.352,01 KM koja su starija od (3) tri godine i
- oprihodovanje dijela obaveza prema članovima UO u godinama kada nisu radili, a prethodno je izvršeno zaduživanje obaveza i naknada u iznosu od 19.468,19 KM u protekle tri godine i više, navedena potraživanja/obaveze nisu utuživana, a prema Zakonu o obligacionim odnosima koji reguliše, između ostalog, i zastaru međusobnih potraživanja/obaveza iz Ugovora u prometu roba i usluga po kome je u članu 374 definisan rok zastare za međusobna potraživanja (3) tri godine, te člana 374 Zakona o obligacionim odnosima, i odredaba tačke 2.39 u okviru dijela "priznavanja u finansijskim izvještajima" MSFI-međunarodni standardi finansijskog izvještavanja.

## **IZVJEŠTAJ O REALIZACIJI INFORMATIVNO-POLITIČKIH PROGRAMSKIH SADRŽAJA U 2018. GODINI**

Redakcija informativno-političkog programa u 2018. godini realizovala je ukupno preko 60.200 minuta informativnog programa. Od toga, na emisije „Vijesti“ potrošeno je oko 9.100 minuta, „Dnevnik“ je u 2018. godini trajao oko 11.500 minuta, na produkciju priloga u kolažnom programu „Otvoreno“, odnosno „Ljetna frekvencija“, potrošeno je oko 20.000 minuta, dok je za realizaciju ostalih emisija izdvojeno oko 19.600 minuta.

U dnevnom programu „Radio Brčkog“ u 2018. godini realizovano je ukupno šest (6) emisija „Vijesti“ dnevno, svaka u trajanju od tri (3) do pet (5) minuta. Centralno - informativna emisija „Dnevnik“, koja se emituje svakog radnog dana, ima prosječno trajanje oko 25 minuta.

U programsкој šemi radija svakog dana su realizovane po dvije specijalizovane informativne emisije, svaka u trajanju do 30 minuta. Jedan od najslušanijih informativnih sadržaja u programu radija svakako je kolažni sadržaj pod nazivom „Otvoreno“. U tom sadržaju svakodnevno je do slušalaca dostavljano u prosjeku sedam priloga, informacija i razgovora prosječnog trajanja oko osam (8) minuta, a što zajedno sa muzičkim sadržajima i zabavno-edukativnim rubrikama čini programsku cjelinu u trajanju dva sata, odnosno za vrijeme ljetne šeme i preko četiri sata.

Od sadržaja koji se svakodnevno emituju u produkciji Redakcije informativno-političkog programa, na teme o dnevno-političkim dešavanjima, otpada oko 60 posto, edukativno-dokumentarni sadržaji bili su zastupljeni sa oko 20 posto, dok je na realizaciju ostalih tema utrošeno oko 20 posto ukupnog dnevнog informativnog programa. Ovdje izdvajamo emisiju „U središtu pažnje“ u kojoj smo imali (uživo i snimljene) razgovore s predstvincima vlasti, ali i drugim osobama iz društvene zajednice, a koja je veoma slušana.

Na proizvodnji ove količine sadržaja svakodnevno je bilo angažovano u prosjeku sedam zaposlenih. Kada je riječ o zoni koju informativno prati ova redakcija, 90 posto je to prostor Brčko distrikta BiH, dok je preostalih 10 posto rezervisano za praćenje aktuelnosti iz okruženja, zemlje, regiona i svijeta.

Treba napomenuti da su, u pogledu informisanja javnosti, „Radio Brčko“, pored informativno-političkog programa, emitovani još i kulturno-zabavni i promotivni sadržaje. Više pojedinosti o realizaciji tih sadržaja predstavljeno je u izvještaju Redakcije kulturno-zabavnog programa.

## **IZVJEŠTAJ O REALIZACIJI KULTURNO-ZABAVNIH SADRŽAJA**

Tokom 2018. godine u okviru Redakcije kulturno-zabavnog programa realizovani su svi sadržaji predviđeni zimskom, odnosno ljetnom programskom šemom. Također, pored predviđenih i planiranih sadržaja rađenih u produkciji radija, zabilježen je i predstavljen u programu, veliki broj manifestacija i sadržaja kulturno zabavnog karaktera koje je organizovala Vlada Brčko distrikta BiH.

Što se tiče programske šeme u oblasti kulturno-zabavnog programa kontinuirano je realizovano više /preko 20/ različitih tematskih zabavnih emisija „RBD magazin“, i to u terminima 6:20, 07:40, 09:40, 14:15, 18:10 i 19:15. U toku sedmice, u ovim terminima svaki dan realizovana je druga emisija u trajanju od 10 do 15 minuta.

Emisije su obuhvatale sve segmente života kao npr: „Zdravlje“ srijedom u 06:20, „Jeste li znali“ petkom u 07:40, „Cvijeće i cvjetni savjeti“, četvrtkom u 09:40, „Kućni ljubimci“ ponedjeljkom ili „Stil i ljepota“ utorkom u 14:15, „Domaća top lista“ ponedjeljkom u 18:10, „Svijet filma“, srijedom u 18:10, te utorkom u 19:15 „Ovo je BiH“ ili „Sva čuda svijeta“ srijedom. Ove emisije su reprizirane i vikendom.

Također, dnevno je pet puta emitovana i zabavna emisija “20 minuta najbolje muzike bez prekida“. Termini ove emisije su bili 10:25, 13:35, 14:35, 17:35 i 19:40., i svaki put je namjenski puštana određena vrsta zabavne muzike, vezana za godinu kada se slušala, ili nekog izvodača, uvijek drugačija.

U drugom dijelu dana, emisije iz sfere kulturno-zabavnog programa, su emitovane u terminu od 17 sati i to četvrtkom emisija „Moj talent“ koja pruža priliku za predstavljanje talentovane djece i pojedinaca u trajanju od 30 minuta. Petkom od 17 sati se realizovala emisija „Kulturni mozaik“ u trajanju od 30 minuta. A subotom je u 9 sati realizovana i polusatna dječija emisija „Znalcii radoznalci“.

Vjerska emisija za islamske vjernike emitovala se svakog petka u 18 sati, „Azbuka pravoslavlja“ subotom od 18 sati, a „Riječ je kruh života“, nedjeljom također u 18 sati. Osim pomenutih sadržaja, koji se realizuju u produkciji radija, tokom ove godine propraćeni su i slušaocima prezentovani, posebni tematski kulturno-zabavni sadržaji u kojima su promovisane manifestacije koje organizuje Vlada Brčko distrikta. Tu posebno izdvajamo praćenje i realizaciju sadržaja i emisija o manifestacijama: „Proljeće u gradu“, „Savski cvijet“, „Susreti pozorišta“ i slično.

U realizaciju sadržaja iz oblasti kulturno-zabavnog programa uključeni su novinari, voditelji i tonski realizatori zajedno sa urednicima programa.

## **IZVJEŠTAJ O REALIZACIJI SADRŽAJA NA INTERNETSKOJ STRANICI RADIJA**

Internetska stranica „Radija Brčko“ u 2018. godini zabilježila je izvjesno povećanje broja pregleda čitalaca u odnosu na raniji period. Svakodnevno je u prosjeku objavljivano od osam do deset informacija o dešavanjima na području Brčko distrikta BiH, te od deset do 15 informacija iz zemlje i svijeta. Domaće vijesti su uglavnom bile iz vlastite produkcije dok su vijesti iz zemlje i svijeta preuzimane sa novinskih agencija sa kojima imamo sklopljen ugovor o saradnji, te sa ostalih internetskih portala, uz obavezno navođenje izvora informacija. Zbog popularnosti internetske stranice, evidentirano je i veće zanimanje potencijalnih komitenata za oglašavanje putem tog medija.

Tekstovi objavljeni na našem internetskom portalu svakodnevno su dijeljeni i putem društvene mreže „Fejsbuk“ čime je povećana posjećenost samoj internetskoj stranici.

Prosječna posjećenost internetskoj stranici „Radija Brčko“, prema statistikama koje bilježi platforma stranice, bila je oko 30.000 dnevnih pregleda od oko 10.000 različitih posjetilaca. Najviše posjeta je ostvareno sa mobilnih telefona (oko 60 posto), potom stonih računara (oko 30 posto), te tableta (oko 10 posto). Kada je riječ o zemljama iz kojih nam dolaze posjetioci stranice, definitivno ih je najviše bilo iz BiH. Potom slijede Austrija, Njemačka, SAD, Hrvatska, Srbija, Švicarska ...

Uz pomoć internetske stranice je, u proteklih godinu dana, ostvaren prihod gdje su se marketinški ugovori ponajviše temeljili na emitovanju sadržaja baš putem internet portala „Radija Brčko“. Vrijednost tih ugovora bila je oko 1.500 KM.

„Radio Brčko“ je, i prošle godine, bio uključen u *google*-ov “*AdSense*” marketinški projekat gdje *Google* na našem portalu postavlja svoje oglase i u skladu sa brojem posjeta, sa precizno postavljenim pravilima, nama plaća oglasni prostor. To nisu bili neki posebno veliki iznosi novca koji se na taj način zarade, ali namjera nam je podizati još više posjećenost internetskoj stranici, što automatski donosi i više zarade kroz pomenuti projekat. S tim vezi smo u planu da, u narednom periodu, izmijenimo izgled našeg portala odnosno modernizujemo ga, te da angažujemo još jednu osobu, među zaposlenima, koja će raditi na dnevnom ažuriranju i obradi informacija koje se emituju na portalu.

# **IZVJEŠTAJ O FINANSIJSKOM POSLOVANJU ZA 2018. GODINU**

## **BILANS STANJA 2018.**

Ukupno amortizovana osnovna sredstva JP "RADIO BRČKO,, d.o.o. sa datumom 31.12.2018. iznose **100.914 KM**

1. **Neto vrijednost** osnovnih sredstava preduzeća iznosi **6.876 KM**. To znači da je oprema za redovan rad zastarjela i trebalo bi, ako postoje mogućnosti, vršiti ulaganja u nova sredstva i opremu za rad.
2. **Tekuća sredstva/gotovina** na transakcionim računima i potraživanja od kupaca iznose **154.338 KM**, od čega je:
  - gotovina na računima sa 31.12.2018. godine iznosila **97.728 KM**, a
  - kratkoročna potraživanja /kupci u zemlji/ **56.610 KM** sa početnim stanjem od 81.590 KM

### **AKTIVA (1+2) - 161.214 KM**

**KAPITAL** u 2018. godini iznosi **141.776 KM**, a u 2017. godini je iznosio **41.661 KM**  
NERASPOREĐENA DOBIT sastoji se od:

- neraspoređene dobiti ranijih godina u iznosu od **258.692 KM**
- neraspoređene dobiti za tekuću godinu od **104.530 KM**

	ukupno za 2018. godinu	363.222 KM
minus (-)	gubitak iz ranijih godina	226.446 KM
	neraspoređena dobit	<b>136.776 KM</b>
plus (+)	dionički kapital	<b>5.000 KM</b>

---

**KAPITAL** **141.776 KM**

<b>PASIVA</b>	<b>161.214 KM</b>
- Od toga dobavljači	13.354 KM
- Primljeni avansi iz prethodnih godina	702 KM
- Obaveze iz poslovanja	<b>14.056 KM</b>
- Obaveze iz ranijih godina	5.382 KM
- Ukupno kratkoročne obaveze	<b>19.438 KM</b>

---

**Ukupno PASIVA / kapital + kratkor. obaveze / 161.214 KM**

**BILANS USPJEHA ZA 2018. GODINU**

<b>R/ B</b>	<b>POZICIJA</b>	<b>2018</b>	<b>2017</b>
1	Prihodi od prodaje usluga, reklame i emitovanja emisija	90.678 KM	91.816 KM
2	Ostali poslovni prihodi - redovan grant	537.620 KM	510.459 KM
3	<b>UKUPNI PRIHODI za 2018. GODINU</b>	<b>628 .298 KM</b>	<b>602.275 KM</b>
1	Troškovi bruto plata i naknada	484.647 KM	449.772 KM
2	Nematerijalni troškovi	<b>30.712 KM</b>	38.817 KM
3	Troškovi poreza	<b>6.733 KM</b>	9.946 KM
4	Materijalni troškovi	3.590 KM	6.410 KM
5	Troškovi amortizacije i rezervisanja	11.322 KM	7.757 KM
6	Troškovi proizvodnih usluga	6.083 KM	7.607 KM
7	<b>UKUPNI RASHODI ZA 2018. GODINU</b>	<b>543.087 KM</b>	<b>520.309 KM</b>
<b>8</b>	<b>POSLOVNA DOBIT (3-7)</b>	<b>85.211 KM</b>	<b>81.966 KM</b>

Prihodi od prodaje reklama i emitovanja emisija	90.678 KM
Redovan grant	529.541 KM
Prihodi od refundacija	2.764 KM
Prihodi po osnovu KO	5.315 KM
Ostali PRIHODI	537.620 KM
 <b>UKUPNO PRIHODI .....</b>	<b>628.298 KM</b>
 <b>UKUPNO RASHODI .....</b>	<b>543.087 KM</b>
 Troškovi bruto plata i naknada	428.926 KM
Ostali lični rashodi (autor. honor. i trošk. odlas. u penziju)	55.721 KM
Ukupni troškovi bruto plata i nakanada	<b>484.647 KM</b>
 <b>NEMATERIJALNI TROŠKOVI .....</b>	<b>30.712KM</b>
Knjigovodstvene usluge	7.180 KM
Advokatske usluge	3.150 KM

Troškovi komunalnih usluga	8.164 KM
Troškovi osiguranja imovine i radnika	1.312 KM
Troškovi platnog prometa	1.908 KM
Ptt troškovi, telefonske usluge, domena	7.469 KM
Troškovi, reprezentacije, poklona, vještačenja ...	1.529 KM
<b>TROŠKOVI POREZA I NAKNADA .....</b>	<b>6.733 KM</b>
Troškovi dozvole za RAK	3.760 KM
Trtoškovi emitovanja muzičkih djela AMUS	1.383 KM
Ostali porezi, sudske i administrativne takse i naknade	1.590 KM
<b>MATERIJALNI TROŠKOVI .....</b>	<b>3.590 KM</b>
Troškovi kancelarijskog materijala	1.644 KM
Troškovi goriva	1.946 KM
<b>TROŠKOVI AMORTIZACIJE .....</b>	<b>11.322 KM</b>
<b>TROŠKOVI PROIZVODNIH USLUGA .....</b>	<b>6.083 KM</b>
Troškovi održavanja osnovnih sredstava	1.300 KM
Troškovi higijenskog materijala	583 KM
Zakup antenskog stuba	4.200 KM

## **TEHNIČKA OPREMLJENOST**

Studijska oprema putem koje emitujemo program nabavljena je prije pet godina. Kada je nabavljana, nije bilo dovoljno sredstava da se zamjeni niti servisira emisiona oprema.

Predajnik na koti Udrigovo na Majevici nabavljen je 1995. godine za emitovanje programa u *Radio Maoći*.

Predajnik na koti Podarevac u Skakavi Gornjoj nabavljen je takođe 1995. godine.

Predajnik u Brčkom nabavljen je 2015. godine.

Predajnici se često kvare i kad se izvrši remont emituju program jačine 200W umjesto 1KW, kako to zahtjeva Regulatorna agencija za komunikacije Bosne i Hercegovine (RAK).

Hitno je potrebno nabaviti nove digitalne odašiljače za emisione lokacije Udrigovo na Majevici i Podarevac u Skakavi Gornjoj. Sa tih lokacija, opet prema pravilima i dozvolama RAK-a, emituje se snagom predajnika od jedan kilovat. Cijena jednog takvog

predajnika nije manja od 15.000 KM, što znači da je za nabavku dva takva odašiljača potrebno obezbijediti 30.000 KM. Uz to, treba predvidjeti i troškove dodatne opreme i demontaže, odnosno montaže, što bi iznos povećalo za dodatnih 7.000 KM

## KADROVSKA PITANJA

Odlaskom spikera–voditelja krajem 2017. godine i tonskog realizatora početkom 2018. godine u penziju, kao i popune upražnjenih radnih mesta na određeno vrijeme, pozicija *Odgovorni urednik informativno-političkog programa* (IPP) i pozicija *Odgovorni urednik kulturno zabavnog programa* (KZP) uvrštene su u plan zapošljavanja za 2018. godinu JP "Radio Brčko" Brčko distrikta BiH.

Početkom godine, jedan novinar je sporazumno raskinuo ugovor, a po nalogu suda jedan novinar se vratio u preduzeće. Također je, krajem godine, sporazumno napustila naše preduzeće referent marketinga.

Konkursnom procedurom izabran je spiker-voditelj u julu 2018. godine, a u decembru 2018. godine izabrani su tonski realizator i odgovorni urednici IPP i KZP.

Odgovorni urednici IPP i KZP, koji su u dosadašnjem periodu radili kao vršioci dužnosti, izabrani su prvi put konkursnom procedurom.

## ZAKLJUČAK

Javno preduzeće "Radio Brčko d.o.o Brčko distrikt", 2018. godinu, u odnosu na prethodne godine, završava mnogo uspješnije.

Zahvaljujući čelnicima izvršne vlasti Brčko distrikta, zalaganju članova Upravnog odbora preduzeća, dodijeljenim sredstvima granta u ukupnom iznosu od 485.000 KM, te menadžmentu preduzeća uspjeli smo riješiti veći dio nagomilanih problema.

Tokom 2018. godine, zahvaljujući odobrenim sredstvima osnivača, redovno su isplaćivane plate i uplaćivani doprinosi i naknade. Radnicima, koji su otisli u zasluženu penziju, isplaćena je otpremnina. Po Revizorskem izvještaju za 2017. godinu, koji je zahtijevao dodatno angažovanje, veći dio primjedbi je otklonjen, kao i nedostaci iz Prerevizorskog izvještaja za 2018. godinu. I na kraju, potrebno je još jednom napomenuti da je, za redovno poslovanje našeg preduzeća, neophodno povećati iznos granta koji JP "Radio Brčko d.o.o. Brčko distrkt BiH" dobija iz budžeta.



Predsjednik Upravnog odbora  
Edin Ražanica, dipl. menadžer bezbjednosti